

928
コ
31

後村先生大全集

三一




後村先生大全集卷之一百二十三

啓

壬戌生日回啓

陳正言

襄陽耆舊之傳非僕所敢知汝南月旦之評待公而後定何哉木槁反寒之叟得此日光玉潔之文巨擘品題哀蹤焜燿恭惟某官以忠實自結于明主其文辭獨行乎中朝讜論危言視建中諫議而無愧精筆妙墨與崇清次對而並驅袞斧在其毫端縉紳想其丰采雖望之如嚴霜烈日然即之則霽月光風齒記



未交龍嘉初度戲謔不為虐閔憐垂暮之光陰嘻笑
皆成文假設聚星之問答極翰墨家之能事華癡頑
老之餘齡驪頷之寶易求麟筆之痕難得某敢不三
熏紬繹十襲閱藏每誦茲予明農之言願退為於野
老所引昔吾先正之事敬回施於明公耿耿之深云
云則淺

癸亥生日回啓

徐常丞

僕稟蒲柳先零之質荏苒旋期君有松柏後凋之心
記存初度燁然麗藻飾此朽林恭惟某官百鍊至剛

一毫不挫行藏大致彷彿古人太學壘盪久不違於
韓子曲臺綿蕞莫能致者魯生署東坡先生之舊街
抗南州高士之遠志尚且不遺故舊曲盡殷勤貧賤
之交獨叔知我比興之作惟商起予以錦心繡口
之詞章為雪鬢霜髭之光寵某沐熏朗誦高鑄藏雅
方戶庭無雀之可羅忽聽几有虹之下闔投我碩果
喻晚節之獨全移此瓣香為名流而迴向

諸士友詩

老夫耄及久已蒼皤幼婦詞工過相粉黛恭惟某人
雖編交于名勝尤加厚于陳人昔入侍漢廷不能如

得意之誦賦今罷歸魯即迴首從申公而受詩追琢
新章寵光暮景我知希則貴矣安用浮名與人歌而
和之難板絕唱

諸士友詞

蓬矢四方志深感顏齡錦瑟五十絃忽聆雅奏恭惟
某人貴名揭日高誼薄雲長吉古錦囊皆苦吟而得
者少游小石調豈放濼之謂乎隳括新腔光華暮齒顧
周郎曲惜無歌者之繞梁唱金剛經幸借老夫之拍
板

方聽蛙

生九十日毫素故美于鄉先長五年叱肩尚接扶於
吾黨鏗鉤雅奏黼黻始生恭惟某人德邵年高筆精
墨妙與耆英會諸公序齒瞻之在前閱夸毗于萬頃
壓顛歸然殿後托朱絃之古調華雪鬢之陳人題紫
霄峯頂之名未應獨徃尋烏石崗邊之路莫問幾迴

吳侍郎

光景幾何自嘆更生之垂老樂歌妙絕誤蒙季札之
知音宮羽鏗鏘柔蓬焜耀恭惟某官詞源倒峽老幹
參天頃遍歷於繁官皆自結於明主是非褒貶之筆
凜鐵面而霜稜嘻笑怒罵之文亦錦心而繡口直道

不容而何病交情久要而未忘當署門設雀羅之時
乃越邑致鶴飛之曲錦標過矣匪實將之其稽首拜
嘉堆懷銘惠一貧乃見文態永佩誼襟上袞不成報
章莫酬藻思

陳大卿

大塊以老佚我荷明主之故歸小人不知紀年辱名
卿之記憶未忘舊好特製新腔恭惟某官文律咸韶
交情金石念兩家嬉戲俱為騎竹之兒及同社凋零
尚有戴花之老古調居然寡和顏齡賴以自強林密
山深可共訪釣遊之處家貧鄰富願時沾膏馥之餘

曹守司直

退士明農慙愧掛衣冠之晚故人作牧記存懸弧矢
之朝枉二千石之朱轎聆五十絃之錦瑟恭惟某官
朝之髦士家之象賢孔鯉過庭所聞得于尼父伯禽
治國之意本于周公興念陳人徵福先契僕無原父
一揮之筆既髦宜休公有子建七步之才以文為戲
倚聲奏郢客之曲載酒訪子雲之居極其殷勤華此
衰朽勞以生佚以老幸百尺竿之下來熾而昌壽而
臧枯一瓣香而迴向

教授

香山居士晚節自使餘齡廣文先生高歌俾華初度
異哉驪頷之寶至於崔羅之門恭惟某官文成一家
書破萬卷子雲思苦中年悔篆刻之詞太白才高餘
事及清平之調桑蓬焜耀韶濩鏗鐸侍馬季長之絳
紗惟恨莫陪于高第無張子平之青玉案何以報于
美人

判官

白髮三千文不記始生錦瑟五十絃忽聆絕倡厚矣
殷勤之意華其哀颯之蹤恭惟某官氣欲凌雲文如
翻水瘦郎從事當時有紅蓮幕之稱太白謫仙餘事

及沉香亭之作記新腔之幼耿為暮齒之麗光某盥
手捧觀惟懷感慨贈我琅玕錦段既韞匱而深藏借
君拍板門推姑逢場而作戲

曹官

癡頑老子不記始生後逸參軍忽貽絕倡厚矣殷勤
之意華其哀颯之齡恭惟某官英氣凌雲詞源倒峽
既生三詔清淡為風流之宗太白百篇餘事及清平
之調託新腔之幼耿下同判官

林通判

天將壽我皤然享黃髮之期歲晚華予鏗爾奏朱絃

之曲交情無取初度有光恭惟某官雲霄之志素高
月旦之評尤激興懷老吏嘗忝近臣山巨源啓事雖
多孰先恭叔衛將軍賓客皆去僅有任安因其蓬矢
之懸寵以香奩之作誦蜀客遊獵之賦莫不送以上
天尋洛英真率之盟願牽聯而入社

甲子生日

徐常丞

周年急景自箋表聖之宜休永歌長言尚記靈均之
初度探諸驪頰賁此崔羅恭惟某官養孟氏之浩然
識孔門之大者常命伯夷典禮直哉惟清子謂平仲

吾交久而愈敬興懷遺老適屆始生援洛下之耆英
暨渭南之仙伯恐晚節浮沉之有悔每忠言從吏其
辭榮形為兩喜之詞寧非三益之友某偶因目青虛
等聲詩被燕飾而厚顏祝規之盛意僕迫桑榆而
救失暮景何追公如松柏之有心歲寒迺見倡酬豈
敢鄙拙是慚

仙遊鄧宰

踰七望八之年吾衰也久矣駢四儷六之作胡為乎
來哉語妙琴堂先生節屋恭惟某官寬柔以教嘻笑
成文老僕歸耕跡托於武城之宰君侯尚齒加礼于

之由交情無欺初度有光恭惟某官雲霄之志素高
月旦之評尤熾興懷老吏嘗忝近臣山巨源啓事雖
多孰先恭叔衛將軍賓客皆去僅有任安因其蓬矢
之懸寵以香奩之作誦蜀客遊獵之賦莫以送以上
天尋洛英真率之盟願牽聯而入社

甲子生日

徐常丞

周年急景自筭表聖之宜休永歌長言尚記靈均之
初度探諸驪頤賁此雀羅恭惟某官養孟氏之浩然
識孔門之大者常命伯夷典禮直哉惟清子謂平仲

善交久而愈敬興懷遺老過局始生援洛下之耆英
暨渭南之仙伯恐晚節浮沉之有悔每忠言從史其
辭榮形為兩喜之詞寧非三益之友某偶因目青虛
辱聲詩被燕飾而辱顏佩祝規之盛意僕迫桑榆而
救失暮景何追公如松柏之有心歲寒迺見倡酬豈
敢鄙拙是慚

仙遊鄧宰

踰七望八之年吾衰也久矣駢四僂六之作胡為乎
來哉語妙琴堂先生節屋恭惟某官寬柔以教嘻笑
成文老僕歸耕跡托於武城之宰君侯尚齒加札于

後村先生全集
絳縣之人以黃麻索誥之才情借白髮蒼顏之光寵
某過煩貽翰曲軫垂孤召卓魯兩令來歸何慚于昔
援潞蜀二公見擬殊匪其倫勉課蕪詞少酬藻思

吳侍郎

穎濱遺老自感慨其餘生洛下看英尚記存其初度
方乞閑身而掃軌忽傳遠使之及門語妙珠璣光生
孤矢恭惟某官進則鳳鳴于千仞退而龍卧者十年
某水某丘既歷訪釣遊之處大寒大暑未嘗出安樂
之窩興念陳人素叨未契音彈冠強起屢煩誦北山
之移今還笏徑歸復許入東林之社味新腔之豪壯

覺衷態之激昂盡然交情厚矣珍貺檢點金閨序傳
晚節之後凋摩字鉅杖人托難香而回嚮中丹所
益副墨未殫

又

伏蒙某官軫記殘生揆擣妙思以甘泉持索之老德
望素高于神武挂冠之人交情愈厚思勤至矣感慨
係之某拜手登嘉桐心知愧九老像傳而畫增價肯
着哀遲六丁力盡而山不前自嗟綿薄敬裁拙訥少
答謙摺

諸士友詩

飾巾待盡忘設門弧下筆有神忽絃廟瑟發天才之
光華恭惟某人曾蟠

千機之錦念其耄老援五福一曰壽之言形諸咏歌
追一篇三致意之作挾槁麗藻黼黻朽株若八音之
克諧錯陳整莞恐六丁之下取永闕中箱報課訥
辭少酬佳惠

諸友士詩

老將至云爾不記始生言不足歌之忽貽絕倡晚景
之榮甚矣歲寒之誼卓然恭惟某人思穿天心語破
鬼膽賈生賦妙離騷可與爭先鄂客調高曲子豈能

縛在鏗鉤雅奏焜耀顏齡蟠屈雄才入花間香奩之
體鋪張鉅典待芝房寶鼎之歌

曹守

西清遺老願受塵而之滕東剛象賢肯避堂而舍蓋
袖珠璣之璀璨懸弧矢而罷光恭惟某官循良二漢
之風流賦詠七子之氣骨謂八十公病免已愧穆生
與二千石交通又非李白念梔面霜顛之衰朽出錦
心繡腸之緒餘駐小隊於林間移行厨于竹裏載醪
鄭重素知次公之醒狂還賢空疎幸恕淵明之醉誤
所為感慨未易披陳

又

伏承貽翰俯記懸弧先生去歸其鄉自慚已晚大夫
有賜于士辱記始生盡出于使君之庖幾塞破書生
之屋名為例卷實則如籩念其祝鯁體之時亦云老
矣與之共饗殮而食豈非賢哉謂諸侯無臣寓公之
文况長吏奉問高年之誥里閭健羨邦域傳誇雖微
清淨之言可裨曹相獨有熾昌之頌回嚮魯侯謹課
辭必抒謝臆

鄭倅

病叟休官自嘆光陰之垂老故交監郡肯分風月以

乞人託古調而倚聲覺頽齡之增氣恭惟某官清若
金莖之承露皎如玉露之臨風師友磨礪家庭講貫
高才闕決王祥功康海沂餘事詩騷君房語妙天下
算算屈重孤矢生光虛辱載醪未嘗識子雲之字不
開度曲安能和郢客之音感慨茲深染濡莫究

又

暮景引年甚矣一秃翁之髦歲寒念舊卓哉半刺史
之賢凡厥篚盼極其珍腆葭屋頌為之光寵水廳倍
有于破除靖惟負未願耕之民固難方命輒援受羹
反錦之誼度免傷廉已勃別箋以酬隆施

林農卿

三益之友多聞尤殷勤于久要兩喜之言溢美欲光
寵其始生彙括新腔吹噓朽質恭惟某官傳箸每形
于天獎彩纓已峻于月聯易學精微探索于王弼鄭
玄之外騷詞要眇頡頑于景差唐勒之間憐晬晚之
光陰沾賸殘之膏馥某徒能朗誦良愧暗投賦綠野
堂之詩敢煩屬和踐烏石崗之約儻肯相尋還費不
工負荆以謝

趙工部

上同恭惟某官挺諸王孫之秀占甲科郎之先然慕

天祿閣中諸儒服其宿學有花元都觀裏同舍立於
下風憐晬晚之光陰下同

方常簿

上同某官貴名揭日直幹參天造辟指陳易曰王臣
蹇蹇與人交際子在鄉黨恂恂憐晬晚之光陰下同

林尚管

上同恭惟某官汝南之評甚美山陰之諧絕高士慕
浮名癡守政事堂之筆公求遠次歸甚真率社之盟
憐晬晚之光陰下同

趙循州

工同某官在尉他郡有百年之愛子延陵相無半面之交著辨誣書烏有此事尋遂初賦實獲我心憐晚

方侍丞

上同某官驚序久倍于羣彥鯉庭富有子異聞對玉座而昌言何其壯也視鐵庵之諫草是以似之憐晚

林知縣

上同某官才情麗藻機監清明民懷武城單父之絃聲見稱賢尹上用乾道淳熙之典故將拜緊官憐晚

晚之光陰 下同

卓漳州

退老明農已拜神武門之疏故人作牧未寒真率社之盟隱括新腔寵光初度恭惟某官成周髦士先率甲科避戈退飛以熙寧不容而去改弦入覲為開元有道少留謂津要之立登乃蕃宣之自說置孟水拔薤木郡人皆曰清宮開竹棧擲桑弓山越復為赤子既循良之居最猶故舊之不遺典念哀陳素叨好雅昔陪幸老儒之後蓮照禁中今成一秃翁而歸草深戶外自不記桑弧之旦乃為鑑寶瑟之音某視蔭婁

京間歌感慨無青玉案之作美贈難酬踐烏石岡之
言相尋未晚輒抒拙訥以答殷勤

答卓漳州親書

老夫耄無能矣不記賤生鄉人善者好之特垂華問
方謝親朋而掃軌忽驚軍將之打門邦客調高君房
語妙由胸中六家几流之洞貫故筆端千變萬態而
無窮發葉孔多應酬不暇恭惟某官大庭前列華省
望即入朝奏太史之書成出守得文公

討論

潤色為命使演綸視草以尤宜嘻笑怒罵成文雖據
案坐曹而不廢記憶光陰之遲暮分張膏馥之贖殘

某眼眩花生心闕恭畏已傷猶戕而亟拜獲濡惡札
而重陳安渤海之功高君且召矣營菟裘之計決吾
將老焉

乙丑生日回啓

上寓

老夫耄矣自古無百年之期鄉人好之以愚有一日
之長揆搗麗蒸粉飾頽齡恭惟某官讀五車書織千機
錦念此暮遲之光景託諸嘻笑之文章然某頃事先
皇叨塵法從挂神武之衣冠雖久痛鼎湖之弓劍
如新未釋沉憂都忘初度記存獨辱辭受兩難厭腰

黃眼赤之勞仄心卻掃愛玉白花紅之作拜手瑤
藏

秘閣徐提刑

八十餘老自不記其始生三百五篇今寧無于古作
門孤侈甚廟瑟燈然恭惟某官華省望郎外臺膚使
興念布衣交之誼發為錦瑟段之章然某納履之願
雖諧遺弓之痛未釋揆予初度非我敢知懷南豐一
辨香之勤拜青州十從事之惠老夫無能耄矣愧還
笏之已遲先生上壽時乎欲舉觴而未忍敬抒拙訥
少見銘藏

又

退藏已久歸田為負未之人記憶未忘越境問垂孤
之旦顏齡榮甚高誼凜然某舖楚澤公子之糟醪飲
醇醪而有愧飽錦里先生之芋栗見碩果而失驚屬抱
先皇弓劍之悲不勝老臣軒疵之慕投李報玖自憐
囊褚之貧戴笠乘車方羨繡衣之貴

蒲頌衛 壽歲

辰乎去何速自感慨于旄期愛之欲其生辱寵綬其
初度公雖好禮僕則懷慙恭惟某官雅致甚清官情
素薄進以禮退以義安知環戶之榮貧無諂富無驕

不改布衣之交衆趨新貴獨念陳人碩果登梓精幣
寶篋感故人金石之意尺素遙臨抱先皇弓劍之悲
左弧罷設廉可無取卻為不恭戴笠乘車雖不同于
出處受殮返璧莫少答於殷勤

曹守司直

行滕文公之政久託依棲問絳老人之年猥蒙禮敬
烹魚之書適至羅雀之居有光恭惟某官東吠象賢
西京猶吏廟論微黃之意決蒲民借寇之情深幸四
輩之心遲念一翁之大壘駢羅臺觀光寵門弧公方
奉孔廟之豆遽僕追愴橋山之弓劍意雖勤于祝饗

食豆忍于下咽壽人把瓜報瓠莫酬嘉惠甘賢受美
反錦竊慕遺風

陳尚書

人希七十者餘生別迫于旄期詩有六義為傑作尚
存于古意投檣鴻筆光寵爵羅恭惟某官忠結人主
之知文鼓天下之動百篇剴切傾例鯁言一字謹嚴
本原麟史雖易曰王臣蹇蹇然子在鄉黨恂恂念此
衰殘祝其壽蝦叨兩制則負乘過矣擬三賢特茲髮
似之從耆英洛社之游未諧撰杖茹先帝鼎湖之痛
莫挽遺弓槁木寒灰視蔭幾何明珠拱壁無脛而至

每吹嘘于吾黨猶煖熟于此翁某自省情荒難板古
勝朱弦三嘆忽聞清廟之音緹襲十重永作傳家之
寶

李礼部

西清遺老勞侍從而掛冠南宮先生驅文詞而入筆
交情無數初度有光恭惟某官運斤成風尚綱惡著
駕湘中軺傳甫為登車攬轡之行歸汾曲田廬不及
彈琴著書之樂念病叟光陰之晼晚分詞人膏馥之
賸殘不炙手於炎炎每垂情于寂寂某屬悲弓劍罷
設桑蓬莫追逐而參翺翺第愛惜以為珍寶題唐諫

仙黃鶴未易續貂隨周柱史青牛或堪為馭

莆田仙遊兩宰

滕文公與許行處茲幸受塵晋大夫使絳老年古尤
尚齒新腔幼眇華髮競榮恭惟某官有絮然文臨壯
哉縣萬口誦龍筋鳳髓之判片言折鼠牙雀角之爭
減晋陽繭絲之相孰知尸鐸至武城絃歌之室惟有
磨臺念此陳人託諸古調某屬悲弓劍罷設桑蓬自
憐仄寒木槁之餘猶愛玉白花紅之作豈無青史大
書雅止之祥未有雪兒低唱鶴飛之曲

兩教授

居士四休已極遲于晚景廣文獨浚肯煖熟于陳人
自慚華皓之餘猥辱青黃之飾共惟某官文有古意
經為人師席下執經但見門人之屐滿樽中有酒不
知坐客之醴寒偶成嘻笑之文章假寵竊童之齒髮
何修而獲無德以堪某衰殘不記於桑蓬攀慕未忘
于弓劍白羣襦送老莫報珍投絳紗惟授徒儻蒙私
淑

曹職官

病翁耄及久矣退寒幼婦詞工施諸衰朽過辱青黃
之飾足為華皓之榮恭惟某官果藝在政事科英妙

入文章籙至是邦聞其政異人之求問老人使之年
何齒之宿鏗鉤古調光寵顧於某方深弓劍之悲無
復柔蓬之志豈煩墨客揮綵筆而永歌未有雪免相
紅牙而低唱

後村先生大全集卷之一百二十三終

後村先生大全集卷之百二十四

啓

丙寅生日回啓

陳尚書

伏承揮翰俯記垂弧專評剝啄而叩門綈禮便蕃而
塞屋年瀟晚暮安于山林臯壤自娛誼薄雲天不以
寒暑燥濕改度垂情至此無德堪之恭惟某官立朝
則烈日嚴霜接人則光風霽月興懷病叟同事先皇
昔韶奏鳳來俱聆于廣樂今鼎成龍去同抱于遺弓
憐其景迫于桑榆祝以壽侔于檇櫟永叔議老不知

退僕願銘膺猷可云事尚可為公宜努力

林中書

僕小家數光陰矧迫于暮遲公大宗師膏馥許沾於
殘腊色絲好妙華髮艷榮恭惟某官足踞天梯手
織雲錦小則千詩百賦大而九制三麻羽獵以前爭
誦子雲之少作玉局而後始見披仙之大全徧履清
華不遺故舊金口辱為之善頌白頭反似于新知急
景凋年八袞羞矜于孤矢華星秋月兩篇永闕于巾箱

林農卿

范叔舊緜袍交情未改秦郎小石調初度有光自顧

冠殘曷堪拂拭共惟某官眼空四海氣蓋諸公先朝
聞籍甚之名同社伏飄然之思當年應制高才奪宮
錦之袍餘事填詞古調奏雲和之瑟出嘔枯之妙語
華垂暮之頽齡故鄉憐老鶴之歸悽其有感貧舍之
春鷲之嚼持此安施

徐提刑

病史衰殘有子房赤松之興故人縉綬遺武公綠竹
之詩逸思飄然閣投過矣恭惟某官至剛至大有勇
有仁按發之威動搖山岳平反之念對越穹蒼方奉
行楮幣之新書乃記憶布衣之舊好作為善頌假寵

顏齡曾謂退閑尚煩煖熟某已挂神武衣冠而云未
忘橋山弓劍之哀瑟兮憫兮宜有文章之可述善矣善
矣如聞韶武之遺音

卓刑部

林下山間方安一坵壑之趣却邊沙外忽貽千秋歲
之詞寶瑟鏗然柔弧罷甚共惟某官然藜名勝剖竹
循良上方嘉唐邑得禾之祥朝未行渤海罷兵之賞
非若淺夫有幾微見面惟于故人相爾汝忘形憐晚
暮之光陰分賸殘之膏馥金縷唱紅牙拍虛辱新腔
毛雞禿獺硯穿難賡逸韻

趙工部

甚矣吾衰矣忘設門孤言之永歌之忽絃廟瑟憐其
皓白飾以青黃恭惟某官丹桂高攀青雲濶步同時
文館惟一更生千古詩壇有兩工部言念山中之執
友僅存圯上之老人鑄此偉詩華其晚節召李太白
進清平調行登子於寶床陪傅大士唱金剛經願借
余之拍板

林大博

晚節末路忝陪洛下之後塵永歌長言忽奏郢中之
古調其榮甚矣何德堪之共惟某官國之後良士者

師表韓退之作進學解招之使前晏平仲善與人交
以而愈敬憐半垂之白髮分絕妙之色然味莊生樛
樹之言僕幸逃于天伐和漢帝栢梁之製君盡蓮于
清華

權郡

村翁初度素無麟紱之祥地主親臨忽有驪珠之贈
新腔叶律暮齒生光共惟其官清若冰壺皎如玉樹
先皇之所新策諸老莫不知名偏壘局才未足展治
中之逸足大賢為政不必分刺史之真符每設醴以待
孺生亦屏騎而過黃憲披榻麗藻披拂朽株材思已

衰安敢和鄂中之曲風深甚美尚能續沂海之歌

又

某倦返故栖老逢初度無桑蓬壯志有弓劍餘哀敢
圖地主之仁賢深念山翁之耄耄騰歲問勞寄篋匪
盼顧朽質安知龜鶴之年犯先賢兼取熊魚之戒擇
而辭受甚矣銘藏荀令熏衣願巧筆端之騰馥虛教
擾殼儻陪物外之勝遊

李禮部

廢蓼莪之卷老尚慕親保孺櫟之年公真愛我贈錦
心綉腸之作為霜顛扼面之榮恭惟某官粲然有文

翔乎似道弱水三萬里追逐于羣仙苦縣五千言傳授于始祖念陳人之暮齒按樂府之新腔會天津橋踐西洛耆英之約尋烏石路誦半山老子之詩第恐癯殘難振壽雉

趙梅州

吾年耄矣辭何索而乞身君思飄然倚玉簫而度曲不圖暮齒辱贈新腔恭惟某官瞻挂高攀虎符存剖詞章爾雅諧樂府之六律五音倫類貫通知漢宮之千門萬戶乃弦古瑟以賁左弧忝陪洛下之游敢云齒宿欲和邛中之倡自愧才衰

鄭太社

僕瀕耄耄都忘熊夢之祥君富才情為製鶴飛之曲不圖俾耳忽聽新腔恭惟某官虎榜名高鶴行譽蚤寧種杞菊為甫里之散人不把蒲萄博京州之刺史顧如遺老舊客元樞念其景迫于桑榆祝以壽侔于檇櫟蓬矢四方之志寧復壯圖朱弦三嘆之音尚含古意

林安溪

余學無成冉冉至老君詩多態豐豐迫人自慚皓白之餘忽被青黃之飾恭惟某官鑄出奇偉掃空葛陳

與自子雲相如以來賦筆幾絕孰謂少陵謫仙之死
詩壇遂荒挺生若人將付此事觀其貨樗庵桑蓬之
作借以發弓寮翰墨之豪鶴瘦龜飢朽質難希于上
壽鳳儀麟獲高才必瑞于明時

陳宰問

漢廷視草之人厭承明而請老河陽種花之令歌樂
府而華予冷然古音榮甚初度恭惟某官書囊無底
吟筆有神卧元龍之樓素挾豪氣至言偃之室惟聞
絃聲分天孫織錦之章華野史垂弧之旦扈蹕第甘
泉之頌莫扳附于從官聯袂和魯山之歌原率先于

耆老

蕭教授 起大 韓山長 伯高

維摩居士老病坐感歲事廣文先生高歌聲滿天地
具榮至此何德堪之恭惟某官腹貯五車筆扛九鼎
盍早給尚方之禮云何采泮水之芹侍夫子之席間
並進四科之高第期老人于圯上非為一卷之素書
奏雲和太古之音華靈均初度之旦雖田光納履久
已作于閑人蹤鄭老無禮所願陪于下客

職曹官

一秃翁耄及以矣引年三語採才高為之度曲自慙

垂暮良費唾枯恭惟某官承露金莖臨風玉樹隨羣
而入孰如我之賢勞直道而行不計公之喜怒言念
老生之初度俾沾才子之殘膏忽聆三嘆之音倡焉
寡和欲效七襄之報織不成章

王縣丞得三

余髮種種忘麟紱之祥君思飄飄有驪珠之贈自慚
踖蹶不稱揄揚恭惟某官有是天才輔以學力章騰
鶚薦見知當路之諸公書訪雀羅加禮受塵之一老
煒然鹿藿賁此朽株急景凋年懶陳于弧矢華星秋
月永闕于巾箱

張監務那洵

上同恭惟某官筆幹十鈞胃蟠萬卷典公之賦擲地
有聲文昌之詩加雲多態言念老生之初度俾沾才
子之殘膏忽聆三嘆之音倡焉寡和欲效七襄之報
織不成章

方山長至

落日沒山西吾生休矣涼風起天未子意如何投贈
新章寵光初度伏惟某官高攀月桂薄采泮芹侍天
子之席間進生徒而私淑拜德光于床下為耆舊而
執謙念陳人蒼顏白髮之餘分才子黃絹色絲之劑

復刊州生金集

則破堂

周年急景屏孤矢而勿垂秋月華星寶巾箱而永閱

楊縣丞思謙

率崖老尚書忽忽忘初生之日平元佳公子洋洋聞
正始之音恭惟某官漢闕西名家唐靖恭舊譜暫為假
令河陽之花盛開見謂文丞藍田之私對植願如英
妙尤萬交游念其晚暮之年贈以陽春之曲空煩墨
客按金縷之新聲未有雪兒拍紅牙而低倡

士友

老夫耄矣如焦穀之枯鄉人好之有靈椿之作古音
要妙暮齒競榮恭惟某官志抗雲霄評高月旦無友

弗如已者雖泛愛而親仁善諤不為厲兮或以文而
為戲贈以郢中之絕倡擬之洛下之耆英自顧衰頹
不堪拂拭譏秦少游入小石調子豈况潑乎陪傳大
士唱金剛經吾將逃儒矣

卓刑部

僕侵尋大耄慕華陽真逸之風光倡率羣賢開洛社
耆英之會固已有不貲之破費乃復叨甚腆之匪貽
雖被高情寔包厚媿敬以璧返均之銘藏得鹿心灰
不記覆蕉之殘夢吸鯨量減浪云逢翹而流涎姑削
牘以稟訓別負荆而摧謝

後十三年卷一百二十四

八

易見堂

諸友餽飲

一老乞骸久挂冠而還里諸賢尚齒欲載酒而過門
聯璧招邀剝絨愧悚折枝長者式昭遜悌之心先酌
鄉人敢曰斯頂之敬

回黃教授

家温身罷退臣莫報于國恩况事肩隨舊友未忘于
交誼宜敢追攀于先進居然獎借于晚生恭惟某官
齒宿而意新年高而德邵叔度汪汪之量華胄相望
武公抑抑之詩旒期不亂念其昔叨未契今亦暮齡
雖才不才之爾殊然老吾老以相及見鄉人長者則

拜况辱珍投誦廣文先生之歌難酬絕唱

丁卯生日

林中書

短檠棄擲僕烏覩青藜杖之光老筆森嚴公占斷紫
薇花之樣托錦心繡腸之作為秃眉黃髮之榮恭惟
某官聞正始音識閔睢亂文則史質則野衆作皆然
齒之宿意之新一人而已既備大宗師之全體亦工
小石調之新腔慷慨高情光華初度某久拋書案未
減藥囊方若昏花望金篋之剝膜恨無妙麗倚玉蕭
而成聲

陳提刑

挂衣冠于神武力請還山立繡斧于雲霄未忘同舍
託樂府新腔之妙為野人初度之榮恭惟某官粉省
望郎蘭臺良史吟玄妙觀並遊各看于苑花危甘泉
宮太半已持于荷橐雖近辭于禁密猶遠有于光華
嘉其保晚節之香示以禮高年之意某情懷宇落瞻
視昏花墨妙筆精自可供清平之調曲高和寡若為
賡幻取之音

鄉守趙計院

皇覽揆予初度自感餘齡諸侯不臣寓公力行古道

贈以陽春之曲賁其晚暮之年恭惟某官皦皦冰清
巖巖壁立懇崇訟少拔薤才高畚陵之行杜子美為
之起畏南山之判蘇味道見之必羞隰括金石之音
輝華弧矢之旦某堆懷銘惠稽首拜嘉歌益郡之中
和素非才子誦魯侯之燕喜殊風人

趙倅

僕老於劉子政不記始生君賢如趙德麟為歌古調
系蓬煨燿官羽協諧恭惟某官妙吐天葩高攀月桂
漢京士子相推舉太學之幡唐朝公卿爭傳誦阿房
之賦躬行水利永障濤瀾客至水廳但談風月每念

後村先生全集卷百十四

垂車之叟今為負耒之氓託錦心綉腸之辭假梳面
霜顛之寵某自憐憐老慨然發于秋懷所願秦郎移
此施之春帖

林農知

樗櫟無用幸天罰之偶逃松柏有心于歲寒而乃見
假黃絹色絲之作為蒼顏白髮之榮恭惟某官館殿
名流山林特起昔鵲來太液曾賡應制之歌今龍去
鼎湖空抱遺弓之泣尚念同時之髦士今為謝事之
秃翁奏郢中而揄揚率洛英而存問兒童驚喜里社
傳誇某自顧尪殘曷堪提獎目有赤青全拋插架之

書家無絳唇空負繞梁之曲

卓刑部

上同恭惟某官以黃甲名流居紫陽補處以仁政代
暴政不數咎以取魚視畜民如省民爭解刀而佩犢
渤海之璽書甫下中山之謗篋已興有歌詠發乎性
情無幾微見于言面古調鏗鉤于郢曲高軒領袖於
洛英某自顧尪殘下同

趙梅州

上同恭惟某官卓雅不羣勞謙自牧石門泉濁不能
易夷齊之心長樂瘴清亦既奏中和之最方擁旌旗

後村先生全集卷百十四

十一

易見堂

後村先生全集

見石堂

予新府未忘車笠之舊交贈我好歌華其初度某自
有赤青下同

趙工部

上同恭惟某官甲殿上之博瞻紹山中之文印條冰
若杜子美掃空萬古之詩人太乙照劉更生引領同
時之學士念中公八十餘之老製秦郎千秋歲之詞
金石鏘然桑蓬榮甚某目有赤青下同

林尚管

上同恭惟某官通務之儒識時之傑機雲不作久無
競爽之才蘊藻以來復見二難之懿駘駘弗容于細

德殷勤加惠於競交際括宮商寵光孤矢某目有赤
青下同

莊省門

上同恭惟某官家學傳衣世科拾芥義方孝謹藻齋
先生之嫡孫詩律森嚴題庵老子之宅相謂五登於
要路忽勇退于急流槩括古音光華初度念此翁之
晚歲與吾父以齊年某自顧丐殘下同

李書監

上同恭惟某官漢甲科郎周譽髦士四庫書之付典
掌六館生有所師承始從烏大夫之招壹如温造不

後村先生大全集

賜石堂

負衛將軍而去獨有任安隳括宮商罷光孤矢某目
有赤青下同

南劍林倅

上同恭惟某官用世才周康時忘廣雙溪監郡未免
斷而小之萬里建侯會當圖其大者念陳人之初度
製樂府之新腔某自顧尪殘下同

邵武林倅

上同恭惟某官科第摘髡功名唾手書上光範蒙夾
袞之知舟近蓬萊忍引航而去暫作樵川之通守未
忘洛社之陳人隳括宮商罷光孤矢某目有赤青下同

徐提舉

大士無障礙未回瞻漢之昏花使臣有光華尚記禿
翁之衰朽贈以驪珠之作過於麟紱之榮恭惟某官
今之名流古之遺直雖冰霜勁節屢聳瞻仰輪攬譽
之威然金石交情初不隔乘車戴笠之勢灑翰示綿
袍之意遺詩賁孤矢之期某目顧尪殘曷堪提獎欲
焚筆硯難賡郢客之古音永閔巾箱留作鄴侯之家
寶

方秘書

維摩病居士志蓬矢之紀祥世南行秘書倚玉簫

後村先生全集

見石堂

而度曲高情繼繼朽質光華恭惟某官氣欲凌雲文如翻水告于爾后屢對賈生于席前用之鄉人肯拜德公于床下遂令俚耳獲聽古音某久廢燈窓尚親湯液傳玉函之訣冀洗昏花歌金縷之詞恨無妙麗

黃師機 林安溪

求玉杵白歎刮膜之無方唱金縷衣忽倚簫而度曲協諧律呂焜燿桑蓬恭惟某官粲然有文淵乎似道俗間火食語一洗哇淫天上少虛詞罕聆切妙念病翁之華髮贈才子之色絲加厚久要有光初度某譬遠月鵲固難擇木而棲無嘲春鶯空自遶梁之曲

戊辰生日四啓

回徐提舉

生也有涯素安定分壽則多辱飽閱交情別相逢車笠之時猶未忘弧矢之旦事真創見感不容聲恭惟某官古典刑人今文章伯自漢大農平準之後晉沾紅閣之蓋藏及暴公子直指以來重識繡衣之風采繩強宗以安善弱薦健吏以勸事功不圖濟南老生九袞之翁曾是冀州刺史故人之舊餉山濤常少知欲者之不多哀范叔一寒有故交之餘戀蟠屈烈日嚴霜之操挾槁華星秋月之章某受則傷廉辭則方

後村先生全集

卷百十四

七

易見堂

命捧書函拜驚雙明珠之暗投倒橐冥搜拈一瓣香而回向

鄉守趙計院

人生百歲端如過隙之白駒我瞻四方僅有還鄉之黃鵠感君侯之善頌動蒙叟之喜心擊鉢材鐙報瓊禮闕恭惟某官笑談霏屑咳唾成珠君苗讀士衡文生欲焚其惡札味道見審言判死猶帶于羞容似憐濟南之老生遠引淇澳之君子觀鄉意古尚齒義高某暫設門孤永為家寶豈無愛客舊雨去而不來深恐偷兒半夜負之而走

江序

上同動蒙叟之喜心恭惟某官以簡易得民心以安靜為政體奧從闕決洗清俗吏之簿書時與賓刖管頌永廳之風月憐才古意下同

林中書

皇揆初度莫報親劬人羨久生不知老至披搗鴻筆光寵雀羅恭惟某官文包化工學到聖處仲舒最宜詞掖絲綸成一家之言應氏三入承明麻卷似六經之體追唐元白軼宋汪綦若歲釋苦里蒙縣人之書尤契合漢文竇太后之意及穆陵髯絕遼海鶴歸似

後村先生全集
見石堂
憐絳老之衰許入洛英之會托牙絃之古調祝銅狄
之高年某自顧衰癯難扳名勝水按問道難酬平子
錦綉段之章虹氣亘天永作朱家書畫船之寶

林農卿

上同不知老至厚矣金石交之好贈之錦綉段之章
恭惟某官承絕學之傳得光天之妙始竒陸生新語
今說詩書及覽枚叔奏篇尤稱賦頌青雲失脚白
首抽身以憐絳老之衰許入洛英之會托牙絃之古
調祝銅狄之高年某自顧衰癯難扳名勝戶外客屨
豈無足然之音帳中論衡恐有負之而走

卓刑部

上同恭惟某官華省望郎御屏賢牧摩娑高先生喬
木皆已成陰封植朱文公甘棠至今勿翦其治為七
閩之冠雖去有百年之思似憐終老之衰許入洛英
之會下同

趙工部

上同恭惟某官擅江夏無雙壓杜牧第五紹更生誦
習類下青藜畏臣甫蹉跎久紆朱紱昔與乃翁同隊
今觀吾子二毛似憐絳老之衰下同

方秘書

上同恭惟某官至音自協宮商妙語不煩繩削早陪
正觀學士登蓬萊山中若開元翰林對金鑿殿衆皆
非其類而狎其謫公益豪于酒而聖于詩似憐絳老
之衰下同

李書監

上同恭惟某官擅江夏無雙亞杜牧第五一鳴遂為
諸儒之倡小却猶掌四庫之書使之路泣多岐可登
梯而上矣惟其壁立萬仞迥拂袖而去之似憐絳老
之衰下同

蒲頌衛

松栢後凋歲晚乃見操撝無用晚暮奚堪極口揄揚
汗顏傳誦敬惟某官幼好奇服自鑄偉詞岐鼓嶧碑
剡苔蘚而出湯盤孔鼎勒金石以傳諸公服其終賈
之年一日出于樊益之上深慕先民之高齒每為長
者之折枝濃炷寶熏高攀碩果某情流已久偶儂非
長吾貧乞死守君子固窮之語公大擅越辨善提喜
捨之心

見任官

僕拊瓦缶而歌光陰晡晚客吹洞簫而和音節激昂
極口揄揚汗顏傳誦伏惟某官善養至剛之氣能大

所居之官天時不齊于民怨民咨而必察人情可畏
何公喜公怒之足言謂詔書尚禮于高年若禮樂寧
從于先進觀鄉意古尚齒義高某幸以屢祗濟于閤
老蘭芽初茁香九畹以聞皆擗木不材蔽十牛而安
用

林杖陳簿陳權糾楊法

老伏波病維摩已瀆大耋髯參軍短主簿猶記始生
極口揄揚下同

丙敦授韓山長

毗耶居士未脫灑于沉痾廣文先生尚記存其初度

揄揚極口登受汗顏伏惟某官如觀郭有道碑似讀
何生蕃傳問絳人甲子虛銷十載之光陰同鄭老襟
期時與諸儒而斟酌憐其暮景贈以好歌某暫設門
弧永為家寶何時樽酒與太白而細論向未辦香客
后山之回嚮

邵武林悴

上同林
農卿

恭惟某官生夾滌比鄰通周山譜系蓋嘗彈

長官古調章水去思不必分別文真符樵人愛戴無
情公謙譽之不置有力貴人挽之者多以憐絳老之

哀
農下同林
卿

陳尚書

走馬八百價僕已虺隤天綱十二閑公真汗血遲此
 成風之嘶華子陸地之辰恭惟某官沉酣古書通達
 國體為君謨邑子四諫祠于里門作仲尼素臣三傳
 東之高閣歷諫議大夫而恥屈節遷太常伯而經拂
 似憐絳老之哀許入洛英之會灑銀觴之華翰祝銅
 狄之高年濃炷香熏高攀碩果愛存羊乳發嘉重饗
 養之慙答弄縻書廢學恐偏旁之誤

諸如縣

門設爵羅都忘初度驛馳駛足惠我好音伏惟某官

後村先生大全集卷之一百二十四終

後村先生大全集卷之一百二十五

雜著 存守侍時官

王守工部克恭

致辱貽戕罷放折俎重念某里巷晚出與先進不同
州賚羸官視勝流尤異茲承宴享稍異故常豈無欲
之心適有服總之戚陪孟嘗之珠履難希上客之
榮招虞人以皮冠願守匹夫之志况是日尚留于鄰
邑以何名可拜于盛儀所有餽金敬當返璧

又

適辭盛禮恐疎嚴誅雖答語之甚溫故愚忱之未白

屬者大開公燕高會羣賓某方哭婦翁尚留鄰邑寔
不聞有下榻之命亦未始控循牆之辭迨還轅之及
門驚折俎之滿室于義未有所處雖食且不下咽僕
稍好修何至于葷食豆羹而動色公方待士寧忍以
飯囊酒甕而加人欲望怨書生之清狂責郡人以廉
恥免為饕餮各全在賢侯儻他時賜出于有名則下走
詎難于方命再瀆之罪百拜以頌

楊守益丞夢信

疇咨雅望依布寬條入太學咀英華不作熟官之
相問君王乞符竹皆儔廉吏之來方竊庇休取摺迎

侯恭惟某官江鄉名族場屋宿儒惟本朝之道德詞
章萃見廬陵之郡若問下之父兄家世尤為多士之
宗昔者忠義仕于建鄴虜窺天塹群拜穹廡方夷甫
委師將相至于失節獨果御罵賊天地為之動容使
當代稱為忠義之門至爽葉不絕詩書之澤載觀賢
業尤有祖風臨履淵冰肯墜清白之訓放浪嶺海不
傍軟紅之塵及吾丘奉最而來興主父見晚之嘆長
安貴人之衆車轂競馳國子先生之賢門庭獨冷上
書勇決而求去當軸委曲而莫留蒲雖斗大之州帝
則印刻之久兒童騎竹馬問新牧之謂誰佳士得朱

輪恨先驅之未暮而况官府無酒鹽之推海鄉有魚
稻之饒士多知書俗少梗化為丹荔黃蕉所誘暫至
南州詠青苔紅蕖之詩即歸西省某涉世甚淺入山
未深少竊虛名宜天公之見罰晚歸舊隱幸地主之
相容屬聞誦誦之載塗始覺旌麾之壓境石田荒茅
屋破久安貧士之常太守好長官清即是老農之幸

新守陳夢龍

當宁論才專城作牧鄉邦相望新懷會稽太守之章
父老來迎如見國子先生之面稍修書禮以候旌麾
恭惟某官書讀五車詞傾三峽朗陵苟有文若視元

凱而有光靖恭揚述敬之方屈馬而無愧冠三舍俊
造之選號七閩文章之家象由徑以疾趨獨盈科而後
進佐陪京之流端風月存分牧思陵之潛藩瘴煙一
洗盍趣召吾丘而奉計顧重煩韋守之凝香眷此邦
人種何福德鴻碩鎮臨之未遠象賢選擇而重來者
尚父報政于齊何其疾也國僑遺愛于鄭誰其嗣之
未有上冢過家拜廳執事尤復周公之舊宇增陪召
伯之慈崇歷觀舊史所書鮮如今日之懿諧瑞明之
丹荔可繼先賢對舍人之紫薇莫湏公等某坐虛名
之過實為衆毀之求全岌岌之蹶甚危信信之吠未

息身離禁苑永孤明主之知名列黨碑尤當累臣之罪
自嗟垂暮偶未溘先躬書詩以教子孫力田園以奉
公上聞雙旌之孔迺扶一杖而起迎太守賓懽猶記
鳴禽之同樂即君官貴恐難行馬之重窺

潘守宮教碑

遴選名儒出臨雅俗邦人欣欣相告以屬望于班春
使君徐徐其行孰不歌于來暮函馳尺牘徃候雙旌
恭惟某官稟奎昂之精英鍾山川之清淑蓋諸老並
生于寶婺而偉人多出于華宗成公席下所聞終身
寔踐柱史殿上之叱千古直教既盡讀善和之書且卓

傳麗澤之學不由介紹自致清華東觀羣儒推蔡
邕尤知漢事太學諸生曰韓愈宜為人師厭輦路之
紛華愛桐廬之瀟洒衆欲別駕詔遣追鋒長孺庭之
直臣有足憚者梁王上之介弟遂使傳之但嘗為朱
邱之賓祥不在烏臺之選視猶免也義不呈身對揚
咫尺之威放教中外之事痛哭陳治安之策天為動
顏長揖出光範之門士有愧色莆方弄印帝命剖符
俗無澆淳治有粹駁昔鄭人嘗病鄉校之議自孟子
已形巨室之言惟清可律臨頑惟理可屈權勢不必
參伍以問牛馬當如中孚之及豚魚小國寡民未究

師儒之施設聖君賢相方褒牧守之循良煖席未室
子環不遠某溥乾舊族海嶠孤生四紀驅馳人知其
文俗吏一朝際遇上擢以清望官忝進士任子之品
流妨文人才士之塗輒以茲蔽罪良所甘心迺若騰
樂羊之謗書殆未見張華之諫草衆怒欲加于丹頸
寬恩獨念其白頭獲以殘年安於故里聞擁麾之且
至將扶杖以願觀僕視彼徐揖任棠則慊然侯侯賢于
陳蕃龐參也遠甚庶因暇日可聽緒言懸申而示子
孫不容緩矣灌園以奉公上尚其勉旃

鄉守樂語

藩條俶市方欣受許子之屢鄉論素卑乃特下陳蕃
之榻竊味伶倫之外語仰慙牧守之盛心昔者諸侯
尤待寓公一國必有善士任崇隱者龐參侯門而還
林逋詩人李及衝雪而訪皆以道義為輕重豈計官
資之崇卑何況黃堂初開華燕衆觀位置愚自劑量
龐眉多洛社之耆英躡踵皆漢廷之雋茂居第合席
鉅谷前之是後之非獨享加邊則是有其一慢其二
荷君侯之偉度察野叟之貞情茲蓋伏遇某官六館
濡宗兩京循吏伯禽奄龜蒙之地無忝周公曹參避
齊相之堂以侯蓋老班春屬爾來暮藹然興懷嚴考

之遺民俾陪太守之下客鳳凰見穎川郡必下璽書
鷄鷄集魯東門吳頌鐘鼓雖不敢傳誇于邦域然謹
當付援于子孫序鄉飲之儀僕獲觀于古禮託醉翁
之樂公自有于雄文

潘守觀歲

累臣垂暮不記換于歲華仁牧頌春忽喚回于暖律
箋函俯逮蓬戶增光輟膳軍之珍羞分兵厨之餘瀝
雖撝腹頓為之醉飲然厚顏殊愧于老饕當鄭君之
羨自悲不泊食伯夷之粟尤覺傷廉

又

茅柴歲歲洗田舍之微勞綵勝頌春分兵厨之餘瀝
里閭改觀水陸畢陳天河視楚澤之累臣幾若待甘
泉之法從某銘心無數捫腹有慚從者絕糧敢効仲
由之愠庖人繼肉莫望子思之賢

潘守樂語

七十翁尚扶杖而戲及觀德化三千石有製鈴之容
爰扶初筵屈符竹之尊嚴為奈蓬之光寵恭惟某官
在醇儒之目有循吏之風於前輩滿腔惻隱之言終
身足踐凡世吏奮髯武謫之事一毫不為擢棲詠而
有餘雨隨車而輒應由公方寸使郡治平如子產然

豈獨鄭人之母有許行者願為滕君之民與念希年
 俯為卜夜擁韋郎之畫戟訪杜老之草堂山間明月
 江上清風固閑人之共有竹裡行厨花邊立馬乃田
 舍之所無雄辭傳播于親朋盛事夸張于樵牧某了
 無新意徒愧老饕感烈士之暮年壯心未已願先生
 之眉壽餘澄見分

趙守樂語

把茅送老愧非洛社之耆英畫戟行春俾預梁園之
 賓客初筵甚設晚景有光恭惟某官前輩典刑故家
 文獻聞絃歌于百里孔門亟稱陳雅樂於三雍漢庭

推重甫希宣于明語首存問于高年加籩之禮隆祝
 饗之誼古有儒之食麤糲烹雌常爨于屨屨君子之
 酒旨多饗鴟羹煩于鐘鼓謂其綴于蛾眉之未引而
 進之城索之間位置太高觀瞻未允託伶人之善頌
 覺野史之厚顏某日誦心惟齒良才盡續老饕之賦
 竊比坡翁作公燕之詩難追子

趙守寺丞

溫詔趣行輕裝赴鎮閩嶠有壺公之勝宅收不輕邦
 人望紹輩之來聞風相慶可無尺牘以候雙旌恭惟
 某官講貫于家庭切磋于師友黃岩萬家之色藹若

誦弦西橋諸趙之賢尤其冠冕迺如執事克肖前人
 其踐履則司直奉常其施設則省郎中秘三載令君
 之勤恤百年父老之去思泊擢廷紳蓋旌縣譜為丞
 再轉少留宜列宿之可攀乞郡三章勇去雖六丁而
 莫挽蒲本樂土守多名卿屬此險荒加之洪意遣防
 江之戍衛募入水之飲飛西北之事會無窮東南之
 膏血已竭國有三空之患孰不華于隱憂民受一分
 之寬公蓋念于斯語靡容席煖即有壘寢其妄想仄
 寒顛毛雪白昔過鳴琴之境嘗接緒言今為負耒之
 民已尋初服聞涓上日喜托餘齡騎竹迎細侯固難

入小兒之隊尋花訪野老尚能和太尹之詩折夜之
 添濡毫罔既

徐守寺丞樂語

僕侵暮景歸先人之敬廬公敬高年設邦君之反玷
 清歡卜夜好語辭寒恭惟某官濟美當家從游諸老
 方氷山擅國六卿三家之僭有萌非謀楚據經三綱
 五常之道幾熄至今延平之遺愛有古循吏之餘風
 自執事之下車與尊君而合轍吏多穢食墨孰如龜腸
 蟬腹之清俗尚苞直獨無鯁鯁鯁魚之獻某所以辭
 通聯而去國亦惟樂美化而受塵息肩蝸舍之初觸目

鳴原之感殷勤盛意欲載酒而訪子雲踈踏罕辭辱
下榻而禮徐孺托優伶之善諧備賓主之多儀衆若
云吾侯鮮有此容愧非才士不能歌蜀守之和竊慕
風人尚可頌魯公之燕喜

曹守司直

細札專城前茅壓境環千里而置守親冊于朝受一
塵而為祗願耕其野庸修短費往矣高牙恭惟某官
襟度春融丰神山立侍縑帷之側早趨庭而有聞角
黃策之文屢鎖廳而得雋嘗婉婉而贊闈畫亦颯颯
而草軍書着鞭驚聖哲之場進孰禦者執壁封子男

之國斲而小之既騰三異之聲又着平分之績屬更
漢化甫真周行而乃慨東試之甘棠乞南州之符竹
賓客惜翟公之去無羅雀之嘆馬兒童喜郭伋之來
有竹馬之迎者靡待頌條而下教皆思宿道而向方
謹誦四馳報太公望之政璽書中出趣曹相國之裝
詎容偏方久拜大惠某幸因先契辱在下風昔文恭
公同聲而相應當端平際一面而定交誨言書紳翰
墨盈篋茲病叟荷鋤之地在象賢賜履之邦顧如衰
殘得所栖托交通二十石豈敢掣於齋鈴廣 三百
弓粗足供於樵斧瞻依深切粵叙莫周

曹守重陽節儀

山翁老退方拾穗而行吟地王仁賢分泛英之餘瀝
申以繼粟繼肉之禮念其祝鯁祝饘之時某拜賜何
勞傷廉是愧無黃花散金之句自嘆衰年有白衣送
酒之人足酬佳節

曹守樂

引年還笏幸歸從太守之遊卜夜加蓬示不臣寓公
之意霜顛榮甚春脚蓋然恭惟某官奕世才華一門
貴盛清詞麗藻視建安七子而有光謙論危言離慶
歷四諫而無辨是生冢嗣尤得卓傳吏能少雙縣譜

第一政惟佩至不判于步趨亦既奉璋攸宜于左右
衆觀三接復擁一麾建牙甫布于寬條尚齒首存于
古意謂半世獲交于橋梓異于桐人念痴年偶長于
粉榆延之上坐託優伶之善頌發游戲之雅文但恐
趣入于天朝不客久依于地主其無厚饗有愧汗
顏德匪耆英僕放希於迂叟語多謬誤公尚恕于醉
人謹課疎蕪少伸銘謝

曹守歲儀

宦情衰謝已推衣冠臺餽殷勤曲相俎豆辱鈴齋之
殊禮覺茅屋之歡顏頗聞名節之將頌尚喜甘棠之

暫憇茲臨祖歲如惠者年某朝飢方幸以充腸爛醉
不知其敗面邦君七竿之饋豈不厚哉書生一飽之
難迺至于此扶持哉答阜緩增慙

曹守送重陽節儀

賢侯報政借留憇南國之棠退老投閒扶德把東籬
之菊方拊時而感慨辱記節之殷勤分兵爵涓滴之
餘輟賓筵方丈之食暉神失喜竈鬼亦驚靖節欲眠
不知其已醉子思啞拜安敢以弗恭

曹守冬至節儀

村翁岑寂無旨蓄以御冬地主仁賢委博封而記節

自憐衰頹莫稱殷勤龜腸忽享以八珍鼠量曷勸于
五斗某登嘉僕僕復命匆匆聞養老之風孰非懷惠
論食功之義寧有不慚

曹守冬至節儀

爐煨楮拙方苦陰寒臺餽酒看喚回陽律顧如老朽
倍費記存寂寂而守元經衰也久矣僕僕而拜鼎肉
愧莫甚焉

汪守樂記

師儒出牧親承天子之臨軒退老明農辱設邦君之
反玷皆云初政先禮高年恭惟某官傑出名流飽恭

前輩忠恕若曾子一言行之通達如賈生羣疑亡矣
既橫經于朱邱將執簡于烏臺指紳美身去之輕田
里恨公來之暮以清修革饗俗以慘怛行新書剖決
如流真庖丁無金牛之手安靜不擾合老氏烹小鮮
之言甫下教條初陳宴饗為穆生設醴酒宜有重賓
與許行共饗殮且延上座首加惠于野老示不臣于
寓公慨陳人之尚有典刑廣聖世之不遺壽考袞褒
後甚褐博歉然其徒有枵腸畧無藻思二頃田與
五畝宅已歸為負耒之民一夜話勝十年書何幸作
擊鈴之客

汪守端年節儀

病叟引年託殘骸于地主賢侯記節分餘瀝于野人
視遇有加觀瞻頓改祝鯁之儀甚備設醴之敬未衰
涼殿來薰固莫和九韶之奏晴簷曝日尚能為五袴
之謠心之銘藏面以控叙

趙守計院

細札專城前茅壘境夕瑣有鳳毛之美照映清規所
庭選麟趾之英拊柔遠俗先聲至止與望翕然恭惟
某官承露登莖臨風玉樹聞多學廣講貫熟于家庭
行治聲端清苦過于韋布昔溥祐世若無翁一老

凜然漢中壘之忠諸郎籍甚唐王孫之秀神臯旣畫
計邸提綱平進可止登于雲霄廉取又出分子風月
御屏東記為聖天子而分憂畫戟森嚴奉太夫人而
行樂顧是邦之何幸喜吾侯之此來必迹捕推理以
安善良必鋤治譁許以厚風俗村無犬吠野有犢耕
吏民相安惜頌春之來暮公卿有關將選表而入為
某久矣明農加之謝客人欺耄齒迫暮景之桑榆天
許閑身管春風之花柳治道聞太守且至打門為軍
將所驚亟闖高牙庸修短贊魯侯燕喜之頌誰不效
忠蓋公清靜之言愚將有獻

趙守樂語

凝韋守之香成觀初政發穆生之體先享高年已為
野老而扶犁尚辱邦君而反玷清歡欵洽皓首競榮
恭惟某官尊行聞知被服儒雅在昔母情為穆陵之
名臣至今象賢有高陽之才子甫雖閔之支郡侯乃
朝之偉人公倣頌春民惜來暮孟水本薤孰敢犯於
清規芟舍甘棠留無窮之遺愛昭蘇幽隱拂拭哀陳
似憐北山愚公開九袞之年矣固匪南州高士下一
榻而禮之記優孟之微辭寓武公之善謔第鳳翼且
高翔于千仞恐鶴巢難久借于一枝某寢疎雪案瑩

聰真成飯囊酒壺僕雖老耄願歌太守之中和公素
寬洪必恕醉人之謬誤

趙守重陽節儀

病叟乞骸都忘佳節賢侯尚齒加禮高年飲蒸菟之
枯腸霑菊萸之餘濕香清戟衛雖畫諾而坐黃堂厨
少炊煙猶吐哺以待白屋予之過禮受者傷廉僕僕
登嘉悵悵推謝

趙守至節儀

伏以懷太守章登觀臺而書瑞遺老人食覺田舍之
生光温温其和僕僕而拜盖以祝鯁祝鱸之禮施之荷

菘荷笠之人非有澁勞迺叨厚饗詩慚臣甫憶曾捧
於御床賢匪子孫思豈敢辭于臺餽

江倅至節儀

蟬腹龜腸都忘却物驚刀羣筋分遺老農蒸惟某官
有名父之風在象賢之日西京博士學守禮經南朝
文通夢懷色筆久盍雲霄之潤步尚煩風月之平分
興念陳人忝交先德委餉宰夫之盛饌寵光病叟之
餘齡非有衛勞迺叨厚饗下同

趙守年儀

伏以千里宅生元日膺履端之慶一塵占籍暮年蒙

養老之仁遂使寒蹤頓回春意分桂酒椒漿之餘瀝
輟雕盤水筋之珍羞負未為氓未肯信並耕之論推
食食我安敢忘一飯之恩

江作年儀

去國歸耕久上引年之請監州好事忽領餽歲之儀
恭惟某官典刑老成風流文獻避翁乃東家天子嘗
接考言尊公如銅川府君親傳先訓念桑榆之婉晚
分椒栢之棄餘遂使寒蹤頓回春意某垂垂及耄僕
僕拜嘉負耒為祇幸占把茅而送老推食食我敢忘
一飯之必償

鄉守告朔

某茲審霽潦初晴槐陰亭午若時賢牧丕擁蕃釐公
平而西造解成擊斷而諸豪猶理河內方思于借寇
穎川行見于微黃某屬已喪明艱于吾朔作詩以歌
太守僕未能焉輕身以先匹夫公真過矣

通判

某茲審霽潦初晴槐陰亭午若時少尹在擁蕃釐耕
於野出于涂無追胥吠犬入吾室對吾飲惟明月清
風行遙鳩行寧淹驥足某失明已久告朔靡繇輕身
以先匹夫公真過矣作歌以美別駕僕未能焉

知倅端午節儀

某伏以一壘送老厭苦病魔半刺多情温存節物域
 問驚羨村落傳誇恭惟某官履踐前修沾濡先訓考
 亭夫子親接緒言唐世詩人實傳宗派暫屈賢而丞
 郡尤敬士而愛民當湘濱競渡之辰念林下歸田之
 史輟犀筋鷹刀之享閔屯賜蟬腹之飢人方翁翁以
 世情公獨惓惓于先契某室方生白突久不黔耄老
 無能徒抱食珍之愧大夫有賜敢稽拜命之恭

涵頭鄭監鎮

為農去國林間方力于菴園有客過門松下忽驚於

唱道竅明珠于袖裡飾斷木于溝中恭惟某官秀稟
 天台名傳谷口喜言善行親從前輩以講明古貌古
 心不入時人之嗜好寥落三家之聚沉冥一世之豪
 微而蠻觸之爭大則虞芮之訟紛紛未決往往質成
 書判流行極東聊攝西姑尤之境規謨布置其右扶
 風左馮翊之才然君子之道中庸顧本朝之法嚴密
 姑平一閔即輅九遷某久去闕庭苟安田里未嘗射
 虎不煩灞陵尉之訶間或騎驢幸免華陰令之詰不
 圖髦士忠顧禿翁歌詩人伐木之章奏賢者班荆之
 語傍觀榮甚內省闕然署門而謝交情自慙廢退隔

年而還詩債尚怨毫荒

莆田翁縣尉

南昌尉雖早素有仙曹之號北山公已老方為愚谷
 之民猥辱貽戕敢稽還贖恭惟某官讀書之眼如月
 奏賦之氣凌雲疇昔先登既看花于瓊林之苑藉令
 小卻宜給體于玉堂之廬云何虎豹之守閑尚使騏
 驎之行也顧士之窮達莫不有命而官無大小皆可
 及人警夜詰姦止訶灞陵之獵箋天論事聳觀
 文石之書某叱黃犢之力田盟白鷗而同社為先人
 守丘墓投老何未無惡少暇屋山即居之惠

曾而同拜其身投岩壑景薄崦嵫夫何幕下之名流
 尚記漳濱之病楚鏗鉤雅奏粉黛醜顏子寧不嗣音
 吾老既難趨于賓謁余方有公事君忙未必善于客
 來聊課蕪詞少酬藻思

朱仙遊潛

力田以給公上不辭漢陰叟抱甕之勞輕身以先匹
 夫猥辱信陵君執轡之禮恍貽戕之罷甚愧還贖之
 斐然恭惟某官秀美所鍾典刑是似伯魚詩禮蓋其
 少小之習聞子思中庸得于家庭之密授貞不忝儒
 先之後肯肩為恩澤之侯萬里戍玉門閑一朝通金

閨籍傳聞新治 說長官本原于文公之書緣飾以
循吏之傳道令野老聯袂和為于之歌使過聖門聞
絃發莞爾之笑吁騰三異亟輅九遷其久忝通家頃
仕寓里名祖名父嘗瞻龍虎之傑魁難弟難兄每羨
鵝鷺之停峙茲聆百里之出宰幸託一塵而為氓愚
公居北山不改迂踈之素仲弓使南面庶漸教化之
餘

仙遊鄧宰桂發

冠挂神武之門迫耄期而得謝花滿河陽之縣忽春
色之見分麗藻粲然華顛榮甚恭惟某官在英雋之

目就子男之封學道愛人為武城而得子羽貴德高
齒遊齊堂以舍孟公至如野老之退閑亦辱令君之
嘉獎某強搜枯思莫報珍投空子彈琴自然單父之
化許行負耒願為滕國之民

新莆田陳宰備

飛鳥入境肯為五斗而化來鶴還鄉遂有一技之託
漫刺方慙于後至華牋遽辱于先施恭惟某官孟光
為賓客所歸元龍負湖海之氣幕謀縣謀能聲蚤著
于二邦酒聖詩豪餘事亦雄于一世所以落落而難
合由夫皓皓之易污君子焉可厚誣諸公于是交辟

鏡無冷處豈惟吾邑之凋琴有古音方聳斯人之聽
必少打門催錢之吏必多受廩願耕之民昔菊荒影
澤之籬久齒不改今花滿河陽之縣舊觀復還鴉表
朝馳鴈行暮召某掛冠北闕員未西疇勿聆新尹之
臨深動陳人之喜得澹臺子羽僕願事賢朝司馬相
如君非謬敬

趙司理

阮生辟掾頗聞三語之佳許子為氓恨受一塵之晚
既涓上日敢順下風恭惟某官丹穴鳳雛渥洼驥子
漢宗室老者尤重於辟疆唐諸王孫今孰如子長吉

某懷執鞭之素願辱銜袖之先施有朋遠來學無發
于時習縱我不往子寧忘于嗣音

張添教說

諸侯學曰泮方推廣于化原一卷書立師示褒崇于
經術挹清標而起敬讀偉製而失驚恭惟某官聖處
窮探賢閎獨步生梅溪常州之里尊聞行知游水心
止齋之門薰香摘艷既笑談解褐宜騰踏飛黃屬聖
世作新博選材名之士厭舉人雕篆將興理義之文
莆雖小邦代有巨擘必表章蔡端明陳諫議之存膏
必物色林艾軒鄭夾際之遺書開後學之心胷續前

修之氣脉廣文到官舍莫嘆無壇學士登瀛洲會看
給禮某必嘗肄業老已明農雖甚情荒未忘親爰無
友獨學每懷孤陋之慙有朋遠來庶獲切思之樂

趙錄參若璋

老子癡頑既休休而謝事參軍後逸真豐豐而逼人
勞謙守辱於貽賤哀憊遂藉于還贄恭惟某官讀書
之眼如月作賦之聲摩空太白才名豈非先謫汝陽
眉宇見謂天人恥躁士之九遷慕高賢之三語至公
不撓未嘗聞誰毀誰譽直道而行安知有公喜公怒
貴名方起賢業巨量某疾病交攻應酬盡廢以懷刺

字賴龐公之入城亦有芻言侯禪謀之謀野略抒推
謝良愧荒疎

林司理

短衣飯牛鄙拙之歌叩角高軒下馬文章之氣如虹
和予者誰逼我太甚恭惟某官撐腸萬卷過目十行
盡掃腐塵不煩絕削胃襟灑落從神仙吸風露中來
從材思清新非世俗食烟火人語有士如此何官不宜
為因平反諒必無于寃獄令公喜怒豈所望于參軍
大宜映石渠之黎小亦通金閨之籍必騰而上無淹
此留某久不逢剖膜之醫常欲求擊蒙之友二尺檠

綴字已付來生一樽酒論文豈無暇日

後村先生大全集卷之一百二十五終

後村先生大全集卷第一百二十六

雜啟

答楊伯紀論四六

伏承枉教過許儷文深惟空疎不稱是獎以至切磋
之論尤明愛助之心念昔宦游猥塵賓佐當插羽流
星之交至多據鞍橫槊而立成蓋率然供記室之求
非以此為名家之製亦有偶誦文而着價未識面而
露草以幕僚而施諸府公以門生而用之座主呼君
房以足下既雜學子陵之高斥桓公為老兵安敢効
孟嘉之醉故于酬答之際未免抑揚其辭然而博觀

陳編頗見前輩于頓健將退之擬所作于商周嚴武
麤才子美方其賢于顏賈或以為窺濤海而悸慄或
以為繫雪山之重輕若乃廬陵之于文僖眉山之于
安道皆以游從之舊每形推許之間曷嘗謂文字之
瑕疵適足見風流之篤厚顧如執事方負軼材小欲
騁落霞孤鶩之詞大欲秉檢玉泥金之筆務為高簡
恐貽買菜之嘲盡點着葉似匪粲花之體誠願于俊
壯雄深之外加委蛇曲折之功出之無窮讀者不駭
大慙謂之大好每觀舊作而忸怩小人可以小知烏
覩斯文之鉅麗方將廣吾子之意聊亦發老生所懷

裴然有云亮之而已

西湯仲能撫屬

先奉贊書采參婉畫我公始至方招溫石之流此士
昔來徑履鄒枚之右輒修短記往候先驅恭惟某官
性極高明行尤峻潔羣謝諸王之外誠家世之鮮儔
二蘇三孔以來復弟兄之競爽頃禪大使出護陪京
方觀要路之登忽勇急流之退雖入山避謗幾不調
者十年然飲水著書亦足傳于千載茲蓋調于琴瑟
果來赴于弓旌側聞公朝屬意人物方將命議郎而
草新奏遺掌故而放遺書何況元侯已召還于闕北

之一言渠欲楚黃寧免諤嘲于三字空煩擾思聊奉

啟顏

答貴都大謝贊書啟

皇華使遠有光肅將上指中書君老而禿偶代王言

不能措于一辭安敢當于儼語恭惟某官金盞承露

玉樹臨風誼所條陳出先漢諸老生之右志之賦詠

在中唐大家數之間既入承明而至九卿且坐黃堂

而稱太守屬台星之歸家會夜雨之對床當辨賢彙

進之時覺巧匠傍觀之久以鎔壘而臨遣由黼座之

選掄攬轡而行遂提封于九路予環而入將濟美于

一門某昔受魏王之知今為魯公之客輒持殘錦謬
演新綸元憲之有景文更相輝映子固之稱平甫匪
曰比周勉課蕪詞難追藻思

答江東曹趙待制謝

替書

妙選宗英疊將使指事權之重今昔所稀恭惟慶慝
某官水鏡清明風斤敏銳兼京畿澄清彈壓之任衆
謂當仁陪雍時扈從論思之班士無異流忽勇急流
之退果與當守之思以從臣節持灌輸以王人提綱
煮摘必能參酌漢儒鹽鐵之論幹旋唐人鞭笞之間
印綬若若纍纍賈無近比財貨汙汙暴暴叶濟中興

既殫忠力于國家盍即謨謀于廊廟某偶緣薄技獲
草贊書羨輜軒使之行方立于霄漢恨管城子之禿
莫鼓于風雷延勤貽翰之臨且有濡毫之惠所為感
悚未易究宣

賀馬相公

伏鈇策勛予環趣勤微仲其左袵矣昔稱九合之難
歸公以袞衣兮今閱三年之久慶闕宗祐喜動縉紳
恭惟醜慝竊以某官許國精忠康時老手被髮纓冠
抹鄉隣之鬪力掎角于上流綸中羽扇感狂虜之鋒
沈掃清于多壘雖曰旂常之紀錄猶煩樽俎之折衝

今則胡運寢微皇威未墜東逆雛之祖伺西畔將之
鴻張近而飢民之火燒腸遠而甲士之冷徹骨孟子
云如當世之欲平治晉人謂非上哲必假英豪昔菜
公獲北門以朝廷之無事今司馬相中國何遼夏之
足憂某半生勤岩石之瞻一旦睹介圭之入洪鈞轉
一氣風託化甄黃麻似六經愧無筆力所為忻躍未易
揄揚

回陳正鄉會助筵

共承真染寵餉盛儀雖蒲省尊嚴不可領湖山之集
然粉鄉繾綣猶為主洛社之盟分餘瀝于美酒價十

千之時將厚意以青銅錢三伯之助某與同朝之勝
彥及新榜之譽覽望遺公若景星鳳凰均託歡顏之
亮宴嘉賓而吹笙鼓瑟誰無飽德之心姑援筆以稟
訓容樞衣而推謝

答安溪黃宰相謝薦啟

鐔津一見辱傾蓋之甚權輿路重逢值斷憲之少暇
念鈍漢久稽于還誓幸外臣尚可以露章妄相品題
殆若拋引伏惟某官為有用學讀未見書才寡二而
少雙文千變而萬態菖蒲花蟠桃寔曠劫間生火浣
布切玉刀至珍無價同志請避三舍諸老放出一頭

曾謂儒英尚尋繇譜聞絃而笑筦爾猶有武城之遺
風聯袂而敬為于未害魯山之高致風憲之緊除由
此乾淳之舊典則然某身已明農意猶勤類服膺可
雋仰一鷄之材高松口吹噓恨匹雛之力薄謹搜枯
槁少答謙摯

賀陳大諫

出綉龍墀提綱騎省識者相慶翕然同辭恭惟歡慝
某官風憲迭居霜稜尤峻近所建白聞者作輿論王
氏五侯權門氣阻奪堯佐四使貴畹膽寒皆它人噤
不敢言惟文王欣然能聽緊頭直上睿意可占誦慶

歷御筆之詩既增光于歐蔡踐乾道元台之拜行趾
美于葉陳某猥以餘生睹茲盛舉作退之諫臣論無
復激昂續于西內前行尚堪勉強

賀馬中書

南衙疏寵西掖為真公當五星聚奎之時尤其穎異
上于一佛出世之選久矣印利仍居禁林且冠橐從斯
文之慶有識所同蓋世運罕逢於休明詞氣尤宜于
盛壯于湖未及而立已掌贊書水心晚迫者希力辭
徼直屬當宁敷求于英妙顧在廷孰副于春知文不
在茲乎既已提鼈而對掌年不可及也更頓立馬而

一揮極儒生之至榮亦公朝之盛舉發帝之令兼南
豐曲阜所長秉國之均踵盤洲平園之拜

答卓漳州謝順寧精舍記

僕賣文莫售直一錢而何堪君着價太高字三鱘而
不吝厚幣侈多儀之餉長牋摘絕妙之辭拜賜何功
置慙靡所恭惟某官窮理盡性至命以孝事君則忠
素薄宦情守逸少墓前之誓及題庵扁本橫渠座右
之銘梁詞自寫其雅懷壁記尚煩于拙手有昌黎之
序令猶壯李愿之言無安仁之才孰能發彥輔之思
搜枯腸而屬藁覺秃筆之無花虛白之室屢空玄黃

之篚甚設以至蟠屈九制一揮之體掄揚再衰三竭
之文某懷惠情深傷庶賴泚老山之下既買田築室
之羨君樂盤之中願林馬膏車而從子

回陳尚書

僕慙陶宏景迫晚節之宜休公若龐德翁凜高風之
可敬雖嘉遯無入城之迹猶執謙尋同社之盟厚意
盎然華顛榮甚伏念某系章芻芻八秩駸駸曩陪棧
橐之班報微涓露今卧牛衣之集景薄崦嵫共承帝
俞許致君事遂田舍翁初心之懇切由鄉先達素論
之游揚當虎立殿上之時主張甚力及龍卧洛中之

日賞好未衰既懸安車尚陟奎閣某愧謝函之後至辱慶贖之先施和台陽之梅方聳聽文德昕朝之制煨地壚之芋顧毋忘僧廬夜話之言謹勒蕪詞少酬藻思

賀陳尚書生日

伏審日迎長至陽復之初天佑中興賢生此際方燕申而山立宜壽嘏之川增恭惟某官以忠蓋結主知其出處闕世運晉鄙之俗薰陽亢宗而為善良畏壘之人賢庚桑楚而欲尸祝當宁憶數百篇之論諫上穹昇九五福之康寧某屬迨耄悒末由旅賀此懷溢

喜莫籠鵠以放生不腆菲儀姑存羊而愛禮

賀陳尚書生日

批龍鱗而抗疏久著直聲紱麟角以呈祥光生闕里輒陳菲薄虔祝耆龐恭惟某官直幹千尋精金百鍊擢車諫長號四緊頭跳入如來僅一蹴地謂聽履而升矣迺褰裳而去之領洛社之耆英生香山之詩酒武公美綠竹百齡必享於旄期子房從赤松千載猶高於雅志某久矣得謝老而失明半芋煨殘未殘招提之約瓣香拈起有如釋子所云

回林中書

儒有已試之效難揜時名臣寔不如之章僅存古意
公言之耳私謝云何恭惟某官典冊當行風騷餘事
九重側席飽聞世間謫仙之名一顧傾城醜却天下
婦人之面雖鴻筆焉能捨我然蛾眉或者嫉予小需
加璧之招忽抱遺弓之痛嗣皇初政代言尤重于斯
文先帝舊人訪落必先於此老某氣再而衰三而竭
身三宜去四宜休恩許辭榮法當薦代素仰慕祁文
夫之舉老未敢忘不能進蘧伯玉之賢死將有愧因
酬謙貺聊發鄙懷

答劉提舉

王尊叱馭而至徧行九折之塗許行負手而歸幸在
一廛之列褰帷戾至折屐楚然念昔端平嘗陪名勝
持孤論尾蜀珍之後不謀同辭及頗言罪濮議之人
盡歸一網動子夏離羣之嘆誦淵明思友之詩僕已
挂冠公方衣繡強扶白髮出輅皇華使者騏駟或可
備周原之訪故人鷄黍儻肯為田舍之留

與丞相

繳壽詞劄附

茲者伏遇光輔中興篤生上宰麟角繫繡綬現聖丘
闕里之祥鳥飛銜紅巾啟阿母瑤池之燕壽綿箕翼
福比河沙某受恩莫報于萬分贊美常重于一辦闌

珊曉夢嘗操前殿之制麻下俚村歌難被後堂之弦管
婚書附

季子聘書

累世通家有孔李交游之舊一村二姓尋朱陳婚嫁
之盟謀之既臧卜云其吉令愛小娘子素閑圖史毓
秀于閨房某學生粗學箕裘養蒙於學塾男女之
時今其及也父母之心人皆有之每煩柯斧之言遂
合琴瑟之好向平畢娶庶無俗務之相關德耀如賓
將見壺儀之可法

又請期

薄贖初通緹儀附逮深惟婦職以奉於蘋蘩著在禮
經不過于捺粟茲拜兼金之侈豈勝報玖之慚逾小
學之癡年既突而弁卜大歸之吉日言結其禱

去華姪聘方氏

猶子承家粗鄉評之無玷比鄰擇對以婦道之有聞
何況筮從匪由媒伐某姪長于世胄雖慙羯末之風
令愛出自豪宗蓋亦姬姜之比信哉佳耦申以
盟言主饋久虛良切及時之願結禱不遠適當獻歲
之初

又請期

問名納采已修不腆之儀拂筵端著茲卜始和之吉
屬臨銓集敢請婚期生蘭玉於庭雖慙家學薦蘋蘩
于廟竊喜婦賢

答李氏聘書為姪孫女

卯金系冷有息女之惇然仙李根深况賢郎之籍甚
昔忝交遊于三世今通休戚于一家決于長上之片
言畧去俗間之末節金屏繡褥雖慙貴豪竹筍練裳
各隨豐儉洞房停燭畫眉將拜于舅姑酒缸纏紅坦
腹誠堪于子婿

又請期

求皇甚切欲及婚姻之時命龜以占莫如姑洗之月
雖不腆之贄裝未具然久要之道義素孚及茲請期
敢不如約願為箕箒固微容德之可稱如鼓琴瑟庶
若友賓之相敬

答方氏婚書崇仲子

子知父志蚤馳跨竈之名女嫁官人矧托連牆之好
諏龜云吉真鴈如彛恭惟令嗣翰墨流傳信高才之
難掩其孫女荆綵淡泊然內則之粗閑于君家忝管
鮑之交宜子舍踐朱陳之約一言而決五兩以將禮
重館甥孰謂非於吾耦諺誇宅相端有望于此郎

又請期

累世通家懷哉事契一村兩姓重以婚姻良深倚玉之慙敬拜訂金之諾禮嚴奠贄詩貴及時曲水羽觴適逢于修禊洞房花燭將遂于結褵

姪孫士寅將仕聘潘氏

弟兄折桂欽騎省之華宗父子然蒸黍麟臺之遺緒久為嘉耦殆有宿緣某人令愛玉雪自將曾靡內言之出某姪孫某箕裘初習適當中饋之虛矧桑梓之連陰喜松蘿之相託前史美閨房之秀其選極難詩人詠家室之宜于歸不遠

答余氏婚書

孔季世家未忘舊好朱陳婚嫁殆有宿緣蕭然羅雀之居盛矣委禽之既合孫樞趨力學何愧于伯魚某姪孫女淡泊素風有如于阿鷺允為嘉耦奚假行媒拜重諾之訂金需佳期而合登仲瞻華閱宜生峙鵠之見預喜蓬門必有乘龍之壻

勝女回方氏定日書

兩家生子感年相當十月為陽小春伊通古重請期之禮今差締好之辰然諾不移敬共以聽金屏繡綉雖難匹于貴游竹筍練裳諒不嫌於儒素

沂孫請期書

君子抱孫老尤關念丈夫有室禮貴及時端篋而占
結稿伊邇匪媒不得敬聞柯伐之言之子于歸允叶
堯天之詠

渙孫趙氏婚書

嫡孫承學粗窺屋壁之藏愛女鍾情見謂閨房之秀
片語辱訂金之諾敝宗深倚玉之慙長令愛擬封縣
主貴為族姬彤管之芳華博覽其次孫學生渙名曰
胄子青燈之習氣未忘齊眉欽德曜之賢坦腹愧王
郎之選諏龜云吉莫鴈如儀况梓里之連陰而花封

第35436号

平成 3.11.22

聖和学
園短大
図書館

928

コ

31

後村先生大全集卷之一百二十六終

後村先生大全集

貝石堂

海山堂
 號 118
 號 118
 號 118
 號 118

秀

